



## RELATÓRIU TRIMESTRÁL FUNDU MINA-RAI NIA

Trimestre ne'ebé termina iha 31 Dezembru 2012

### KOMUNIKADU IMPRENSA

Banco Central de Timor-Leste (BCTL) ohin lansa Relatóriu Trimestrál Fundu Mina-Rai Timór-Leste nian ba dala Tolu nulu ba trimestre ne'ebé termina iha loron 31 Dezembru 2012 ne'ebé hatudu katak kapitál Fundu nian sa'e ba millaun \$11.775,35 kompara ho millaun \$ 11.054,41 iha fim Setembru 2012.

Relatóriu ne'e mós hatudu katak totál reseitas mak simu durante trimestre ne'e hamutuk millaun \$1.234,45 ne'ebé kompostu hosi kontribuisaun kontribuinte sira ba Fundu hamutuk millaun \$ 654,60, no pagamentu *royalty* simu housi Autoridade Nasionál Petróleu (ANP) millaun \$579,85.

Rendimentu hosi investimentu Fundu nian hamutuk millaun \$76,90 durante trimestre ne'e kompostu hosi, kupaun no jurus ne'ebé simu mak millaun \$52,72 no mudansa iha valór merkadu nian millaun \$24,18. Ne'e rezulta rendimentu ba karteira Fundu nian durante trimestre ne'e 0,66%, enkuantu rendimentu sasukat (*benchmark*) nian ba periodu ne'e mak 0,64%. Rendimentu karteira durante trimestre ne'e mak 0,02% boot liu rendimentu sasukat (*benchmark*) nian.

Lei Fundu Mina-Rai nian espesifika katak Jestor Operasional (Banco Central de Timor-Leste), mak hanesan ajente responsavel ba jestaun operasionál Fundu Mina-Rai nian. Ministériu Finansas mak responsabliza atu estabelese estratéjia investimentu tomak kona-ba Fundu ne'e nian.

Haktuir ba decizaun Ministra Finansas atu aumenta investimentu iha asoens (equities), gestores esternu ba asoens nia mandatu aumenta gradualmente no atinji tiha ona 26% asoens iha Dezembro 2012.

Mandatu ne'ebe fo ba BIS mak atu gere uniku US Treasury 5-10 years index ho karateristika risku no retornu ne'ebe hanesan mak atu dezempeña liu referensia (*benchmark*) no mantein *ex ante tracking error* iha Pontu baze 100 nia laran.

Mandatu ne'ebé fó ba Schroders mak atu jere portofoliu iha maneira *enhanced passive indexing* no mantein *tracking error* ida-ne'ebé relativa ba sasukat ne'ebé normalmente laliu hosi pontu baze 100, ho diferensa pezu ne'ebé mantein iha 0,5% (nivel asoens) no 2,5% (iha nivel nasaun no seitor). Laiha tempu ida mak *tracking error ex-ante* bele liuhosi pontu base 150.

Mandatu ne'ebe fo ba SSgA katak atu gere portofliu ho *passive indexing* ho *objetivu* atu mantain besik iha susukat (*Benchmark*), depois taxa no kustus no mantein iha *ex -ante tracking error* relativa ba *benchmark* ne'ebe normalmente la liu housi 35 pontu baze.

---

#### BANCO CENTRAL DE TIMOR-LESTE

Avenida Bispo Medeiros  
P.O.BOX 59 - DILI  
TIMOR-LESTE

T: +670 331 371 2 / 4 / 5 / 8  
F: +670 331 371 3 / 6 / 7  
E: info(at)bancocentral.tl

Banco Central de Timor-Leste jere ona portofoliu besik liu ho pontu referensia iha trimestre dala 30 dahuluk. Diferensia entre portofoliu no pontu referensia hahú housi inísiu fundus nian mak pontu baze 1.

Pontu importante hosi Relatóriu Trimestre ba dala XXX, ne'ebé kobre período 1 Outubru to'o 31 Dezembru 2012, inklui:

- Kapital Fundus nian aumenta housi millaun US\$ \$11.054, 41 ba millaun US\$ 11.775,35 Osan kontadu brutu fundus nian tama housi kontribuisaun kontribuinte, realeza (royalties) hamutuk millaun US\$ 1.234,45.
- Osan kontadu liquidu nebe sai housi Fundu durante trimestre ne'e mak millaun US\$ 590.40 kompostu housi millaun \$586.90 tranferensia ba Osamentu Geral Estadu nian, gastus ba kustu jestaun external no internal ninian humutuk millaun \$3,51.
- Reseitas likidus durante trimester ne'e hamutuk millaun US\$ 644,4.
- Rendimentu portofoliu iha periodu ne'e mak 0,66% kompara ho rendimentu referensia iha trimestre ne'e mak 0,64%.
- Rendimentu investimentu durante trimestre ne'e mak \$76,90 millaun kompostu housi jurus titulus nian millaun \$52,72 no alterasaun valor merkadu nian mak millaun \$24,18.
- Saldo balansu ikus hamutuk millaun \$ 11.755,35.

Relatóriu trimestrál, lei Fundu Mina-Rai nian no mós Akordu Jestaun Operasionál, disponivel iha portal Banku Central de Timor- Leste [www.bancocentral.tl](http://www.bancocentral.tl)

Ba informasaun adisionál bele hetan housi:

Venancio Alves Maria

Diretor Ezekutivu

Korreiu-Eletróniku: [venancio.maria@bancocentral.tl](mailto:venancio.maria@bancocentral.tl)

Telefone: + (670) 3313718

Dili, 12 Feveireiru 2013